



UKIUMOORTUMIK NALUNAARUSIAQ 2010

(01.01.2010 - 31.12.2010)



Ukiumoortumik nalunaarusiaq ingerlatseqatigiiffiup 19. maj 2011 nalinginnaasumik
ataatsimeersuarnerani saqqummiunneqarpoq akuerineqarlunilu

Imai

Qupp.

Ingerlatseqatigiiffik pillugu paasissutissat.....	3
Aaqqissugaanerup takussutissiarinera.....	3
Pisortaaunit oqaaseqaatit	4
Kukkunersiuisut oqaaseqaasiussaat	5
Kisitsisit pingaarnert	6
Aqutsisut nalunaarutaat.....	7
Naatsorsueriaaseq atorneqartoq.....	12
Angusat nalunaarsornerat.....	15
31. december oqimaaqatigiissitsineq	16
31. december aningaasat ingerlaarnerisa nalunaarsornerat ...	17
Nassuiaatit.....	18



© ISERIT A/S, Aprili 2011

Nutserneqarnera: Kunuunnguaq Fleischer · Assit: Iserit A/S

Iliqqarnera suliarineralu: Info Design aps · Naqiterneqarfia: Nuuk Offset

Ingerlatseqatigiiffik pillugu paasissutissat

Ingerlatseqatigiiffik

Iserit A/S
Postboks 1539
3900 Nuuk
Telefon: 363000
Telefax: 363019
E-mail: iserit@iserit.gl
www.iserit.gl

CVR nr. A/S 349143

SE/GER nr: 12227353

Pilersinneqarfia: 11/4 2005

Kommuni najugaqarfik: Kommuneqarfik Sermersooq

Siulersuisut

Gert Ignatiussen, siulittaasoq
Martha Abelsen
Poul Hansen
Gedion Jeremiassen
Mike Høegh
Vivian Lundblad

Pisortaqarfik

Erik Ravn, Pisortaq


Kukkunersuisut

Deloitte, Statsautoriseret Revisionsaktieselskab

Ataatsimeersuarneq

Nalinginnaasumik ataatsimeersuarneq
ingerlanneqassaaq 19. maj 2011

Aaqqissugaanerup takussutissiarinera



Pisortaaunit oqaaseqaatit

Ullumi ulloq ukiumut naatsorsuiffiusumut 1. januar - 31. december 2010-mut tunngatillugu Iserit A/S-imut ukiumoortumik nalunaarusiorpugut.

Ukiumoortumik nalunaarusiaq ukiumoortumik naatsorsuusionermut inatsit naapertorlugu suliarineqarpoq. Naatsorsueriaaseq atorneqartoq siunertamut naapertuuttutut isigivarput, taamaalillunilu ukiumoortumik na-

lunaarusiaq ingerlatseqatigiiffiup pigisaanik akiitsuinillu, aningaasalersorneqarnikkut inissisimaneranik angusaanillu kiisalu aningaasat ingerlaarnerannik eqqortumik takussutissiivoq.

Inassutigineqarpoq ukiumoortumik nalunaarusiaq nalinginnaasumik ataatsimeersuartunit akuersissutigineqasasoq.

Nuuk, 4. april 2011

Aqutsisut



Erik Ravn
Pisortaq / Direktør

Siulersuisut



Gert Ignatiussen
Siulittaasoq / Formand



Martha Abelsen



Poul Hansen



Gedion Jeremiassen



Mike Høegh



Vivian Lundblad

Kukkunersiuisut arlaannaannulluunniit attuumassuteqanngitsut oqaaseqaasiussa

Iserit A/S-imi aktiaatilimmut

Iserit A/S-ip ukiumut naatsorsuuseriffiusumut 1. januar - 31. december 2010-mut tunngatillugu ukiumoortumik nalunaarusiaa kukkunersiorparput, taakkununga ilaapput aqutsisut oqaaseqaataat, aqutsisut nalunaarusiaat, naatsorsuuserinermi periuseq, angusaasut nalunaarusiarinerat, oqimaaqatigiissitsineq, aningaasat ingerlaarne-rannut nalunaarusiaq aamma nassuiaatit. Ukiumoortu-mik nalunaarusiaq ukiumoortumik naatsorsuuserisarneq pillugu inatsit naapertorlugu suliaavoq.

Ukiumoortumik nalunaarusiamut aqutsisut akisussaaffiat

Aqutsisut akisussaaffigaat ukiumoortumik nalunaaru-siorlunilu taassumanga saqqummiussinissaq, ukiumoor-tumik naatsorsuuserinermit inatsit naapertorlugu pis-sutsinik eqqortumik saqqummiisumik. Akisussaaffimmut tassunga ilaapput ilusiliineq, ukiumoortumik naatsorsuu-sionnissamut naapertuuttunik, ingerlatseqatigiiffiup ilua-ni nakkutilliinernik pilersitsillunilu piviusunngortitsineq, pissutsinik eqqortumik takutitsisunik - kukkuneq peqqu-sersusaarnermik kukkunernilluunniit peqquteqaraluar-pat - annertuumik kukkusunik paasissutissiinertaqanngit-sumik. Aqutsisut aammattaq akisussaaffigaat naatsor-suuserinermi periutsit siunertamut naapertuuttut toq-qarneqarlutillu atorneqarnissaat, naatsorsuuserinermilu eqqoriaanerit pissutsit naapertorlugit naammaginatut atorneqarnissaat.

Kukkunersiuisup akisussaaffia aamma kukkunersiuneq ingerlanneqartoq

Uagut akisussaaffigaarput ukiumoortumik nalunaarusi-aq pillugu tunngavissaqartumik paasisanik saqqummi-nissaq - kukkunersiunerput tunngavigalugu. Danskit kukkunersiunermit maleruartagaat naapertorlugit kuk-kunersiuivugut. Maleruartakkani pineqartuni piumasaa-voq pissuserissaarnissamik piumasaqaatit eqquutissagi-vut aamma kukkunersiuneq pilersaarusiortugulu inger-latissagipput ukiumoortumik nalunaarusiap paasissutis-sanik kukkusunik annertuunik imaqqannginnissaa qular-naarlugu.

Kukkunersiunermit ilaapput aningaasat paasissutissallu ukiumoortumik nalunaarusiami eqqaaneqartut kukku-nersiunermit uppernarsaasersornissaat anguniarlugu iliuuseqarnerit. Iliuserisanut toqqakkanut apeqqutaap-put kukkunersiuisup naliliineri, takkununga ilaalluni ukiumoortumik nalunaarusiami kukkusumik paasissutis-siisinnanernik naliliineq, kukkusumik paasissutissiinerup peqqusersusaarnermik kukkunernilluunniit peqquteqar-nera apeqqutaatinnagu. Ernumanarsinnaasunik nalilii-nermi kukkunersiuisup ingerlatseqatigiiffiup iluani nak-kutilliinerit ingerlatseqatigiiffiup ukiumoortumik nalu-naarusiorneranut attuumassuteqartut eqqarsaatigissa-vai, kukkunersiunermit iliuusissat ilusilersorneranut - pis-sutsit naapertorlugit - naleqquttut, kisiannili siunertari-nagu ingerlatseqatigiiffiup ilumini nakkutilliinerata qanoq pitsaatiginerata nalilersornissaa. Kukkunersiuner-mut ilaavortaaq nalilissallugu naatsorsueriaaseq aqutsi-sut toqqarsimassat naapertuuttuunersoq, aqutsisut naat-sorsuuserinermit naliliineri naammaginarnerisut, kiisalu nalilissallugu ukiumoortumik nalunaarusiap ataatsi-moortumik saqqummiunissaa.

Uagut isumaqarpugut kukkunersiuinissamut uppernar-saatit anguneqartut naammattut tunngaviliinissatsinnul-lu naapertuuttut.

Kukkunersiunermit nangaanartunik patsisissarsisoqan-gilaq.

Tunngavissaqartumik paasisat

Isumaqarpugut ukiumoortumik nalunaarusiaq ingerlat-seqatigiiffiup 31. december 2010 pigisaanik, akiitsuinik aningaasalersorneqarnikkullu inissisimanernik eqqortu-mik takussutissiisoq aamma aningaasat ingerlaarnerisa ingerlatseqatigiiffiullu ukiumi naatsorsuuseriffiusumi 1. januar - 31. december 2010 ingerlassaasa ukiumoortumik nalunaarusiortarneq pillugu inatsit naapertorlugu inger-lasimanerannik takutitsisusoq.

Nuuk, 4. april 2011.

Deloitte

Kukkunersiunermit ingerlatseqatigiiffik naalagaaffimmit akuerisaasoq



Peter A. Wistoft

Kukkunersiuisoq naalagaaffimmit akuerisaasoq

UKIUMOORTUMIK NAATSORSUUTIT 2010

	2010 kr.	2009 kr.
Kisitsisit pingaarnerit		
Angusaasut		
Ilanngaatissat ilanngaatigereerlugit kaajalukaartitat	13.464.931	12.364.800
Ingerlatsinermi angusat	(851.407)	(526.889)
Aningaasalersuinerup inernerit	1.474.258	2.029.548
Nalinginnaasumik ingerlatsinermi angusat	622.851	1.502.659
Immikkut ittumik aningaasartuutit	-	-
Ukiumi angusaasut	424.784	1.023.552
Oqimaaqatigiissitsineq		
Sanaartornermi pigisat	1.635.349	1.898.775
Pigisat kaajalukaartinneqarsinnaasut	74.133.561	66.366.801
Pigisat katillugit	75.768.910	68.265.576
Aktianik pigisat	5.000.000	5.000.000
Imminerisamik aningaasaatit	8.175.846	7.751.062
Akiitsut sivikitsumik akilersugassat	66.735.949	59.855.466
Aningaasat ingerlaarneri		
Aningaasat ingerlaarneri ukunannga:		
- ingerlatsineq	6.400.703	7.153.509
- aningaasaliinerit	(568.395)	(1.388.543)
- aningaasalersuinermi ingerlatsineq (aningaasat pigisat ingerlannerat)	(4.080.343)	(2.332.041)
Ukiumi tigorianaat nikeriarnerat	1.751.965	3.432.925
Kisitsisit pingaarnerit procentinngorlugit:		
Sinneqartoornep annertussusaa	3,2	8,3
Erniortitsinerup annertussusaa	0,6	1,5
Akiliisinnaassuttip annertussusaa	111,1	110,9
Patajaassuseq	10,8	11,4

Aqutsisut nalunaarutaat

1. Ingerlatseqatigiiffik ingerlassaalu pingaarnerit

Ingerlatseqatigiiffiup siunertaraa kommunip illuutaanik aqutsinissaq sullissinissarlu.

Ingerlatseqatigiiffiup sammisai pingaarnerit makkuup-put:

- Inissiat immikkoortorta qarfiinik allaffissornikkut aqutsineq
- Utaqqiisaasumik inissiisarnernik allaffissornikkut aqutsineq
- Kommuni sinnerlugu illuutinik tuniniaanermik ingerlatsineq
- Illut attartortakkat namminerisamik illuutingortinnissaat
- Kommunimi inuutissarsiornikkut ingerlatsisunut attartortsinerup aqunnera
- Ataatsimoorullugu errorsiviit ingerlannerat
- Kommunimi illut attartortittakkat immikkut aserfallat-saalinerat/aningaasaliiffigeqqinnerat
- Inissaqartitsinermut tunngatillugu kommunimi siunnersortitut ikorsiineq
- Kommunimi immikkoortorta qarfiit aningaasaataannik ingerlatsineq
- Illut nutaat suliarinerini sanaartortitsisumik siunnersuineq.

Suliasat tamaasa pillugit sullissinissamik ingerlatseqatigiiffiup kommunillu akornanni isumaqatigiissuteqarpoq.

Allaffissornermut akiliutit, utaqquisut allassimaffianiinermut akiliutit aamma teknikkikkut sullissinermut akiliutit annertussusaannut atatillugu ingerlatseqatigiiffiup kissaatigaa illuuteqarnermi allaffissornikkut sullissisutut akikinnerpaanissaq. Aammattaaq ingerlatseqatigiiffiup anguniagaraa sullissinerit pitsaassusaasigut unammillernissaq.

1. januar 2010 Iserit A/S-ip inissiat 1.920-t missaat immikkoortunut 11-nut siammaannikut aqutarai. Illuutit siammaassimapput 1360-ingajaat Nuummillutik, 140-t missaat Paamiuniillutik, 350-it missaat Tasiilamiillutik 70-illu missaat Ittoqqortoormiiniillutik.

Ingerlatseqatigiiffik siunertani naapertorlugu taamaallaat kommunimik sullissinnaavoq.

2010-mi suliat

Ukioq 2010 Iserit A/S-imut naammaginarluinnarpoq, ukullu annersaa Paamiuni, Tasiilami Ittoqqortoormiini luutit – ingerlatseqatigiiffiup illuutinik ingerlatsinermik 2009-mi tigussiffisaani - ingerlatsinerup patajaallisarneranut atorneqarluni.



Ingerlatseqatigiiffik Nuummi, Paamiuni Tasiilamilu allaffeqarpoq. Nuummi allaffimmi sulisut 16-iupput, Paamiunilu illunut tunngasumik siunnersorteqarpoq ataatsimik, ataatsimik inspektøreqarluni illuutinullu tunngasumik ataatsimik sulisoqarluni. Tasiilami inuttaapput siunnersorti ataaseq inspektørilu ataaseq.

Paamiuni illunuk tigusinermut naleqqiullugu ajornaku-soortuarsimavoq aningaasaqarnikkut paasissutissanik piniarneq, tassami siusinnerusukkut ingerlatsisuusup imikkooortotaqarfinnut marluusunut 2008-mut ukiu-moortumik naatsorsuutit suliariniapiloorsimavai. Tassunga atatillugu paasineqarpoq siusinnerusukkut ingerlatsisuusup pineqartoq pillugu toqqissisimanartumik naatsorsuuserisimangitsoq.

Iserit A/S-ip Kommuneqarfik Sermersooq isumaqatige-reerlugu sinnerlugulu 2008-mut naatsorsuutitut siunnersuutit suliarivai. Tassunga atatillugu eqqaaneqassaaq naatsorsuutit suli Iserit A/S-ip nammineq pineqartoq pillugu piumasaqaataanut naapertuutinnimmata, Paamiut Kommuniata ingerlatsinera amigaaqeqqalunilu.

Naatsorsuutit Kommuneqarfik Sermersuumut tunniunneqarput suliassatut. Pisissiani inissiat 72-it attartortittagassat kommunip sanaartorneranut atatillugu Iserit A/S Kommuneqarfik Sermersuumut sanaartortitsisutut ingerlatsinissaq pillugu isumaqatigiissuteqarpoq.

2009-mi Iserit A/S-ip Tunumi illuutinik nalunaarsuineq aallartippaa, tassanilu illut teknikkikkut qanoq issusiat pillugu paasissutissanik katersisoqarpoq. Nalunaarsuinermit nalunaarsuaq inaarutaasoq kommunimut april 2010-mi tunniunneqarpoq.

Kommuneqarfik Sermersuup Naalakkersuisullu akornanni allaffissornikkut isumaqatigiittoqarpoq, taannalu mallillugu Kommuneqarfik Sermersuup Tasiilami Ittoqqortoormiinilu illuutit Namminersorlutik Oqartussanit pigineqartut tigusinnaavai. Isumaqatigiissutissatut siunnersuutip Kommuneqarfik Sermersuumi politikikkut suliarineqarnissaa utaaqqineqarpoq.

Ukiup ingerlanerani ingerlatseqatigiiffiup siulersuisuini allanngortoqarpoq. Majimi junimilu ataatsimeersuortoqarpoq. Nalinginnaasumik ataatsimeersuarnermi siulersuisunut ilaasortaq Astrid Fleischer Rex tunuarpoq Poul Hansenimit taarserneqarluni. Junimi ataatsimeersuarnermi ileqqoreqqusat allanngortinneqarput, taamaalillunilu siulersuisunut ilaasortat sulisut sinniisaannit ilaqalerput. Tamatuma kingorna Vivian Lundblad sulisunit siulersuisunut ilaasortassatut toqqarneqarpoq.

Nammineq allaffissamik pisinissaq maani sanaartornikkut ingerlatalimmik isumaqatigiissutiginiarneqarpoq. Neriunarpoq allaffik 2011-p naanerani nutserfigineqarsinnaalissasoq.

Siunissaq

2008-mi annermillu 2009-mi annertuseriarnerup kingunerisaanik 2010-mi ingerlatsinerup suli pitsaanerulernissaa qitiutinneqarpoq.

Ingerlarseqatigiiffiup nalilerpaa, kommunimi attartortunut tamanut iluaqutaassasoq, Kommuneqarfik Sermersuumi inissiat attartortittakkat pisortat pigisaat tamar-mik kommunimut nuunneqarpata, ineqarnermullu atatillugu aqutsineq ataasiusoq pilersinneqassalluni.

Pisortat suliassaqarfiinik aqqissuusseqqinnissaq pillugu isumaliutissiissummi ineqarneq pillugu eqikkaanermi ilaatigut allaqqavoq: "Namminersornerullutik Oqartussat inissianik ingerlatsiviat kommuninut nutaanut tunniunneqarsinnaassaaq ataatsimoortumik ingerlatsinerup iluanaarutissartai angujumallugit siunissarlunin ungasinnerusoq eqqarsaatigalugu pilersaarusiortoqartalersinnaaqqullugu".

Kommunerujussuarmi Namminersorlutik Oqartussat inaataannik tunniussinerup makku iluaqutissartarisinnaavai:

- Inissianik ingerlatsineq aningaasanillu aqutsineq pitsaanerusoq
- Allaffissornermut aningaasartuutit annikinnerusut
- Kommuneqarfik Sermersuumi suliarsarinnerusut aamma ineqarnermut politikkimut kommunip toqqaannarnerusumik sunniuteqarnera.

Namminersorlutik Oqartussat inissiaataannik kommunitigusissasoq aalajangiunneqassappat, taakkunannga aqutsineq Iserit A/S-ip ajornartorsiutitaqanngitsumik isumagisinnaavaa.

2008-p qiteqqunneraniit Namminersorlutik Oqartussat inissianik ingerlatsinermik suliaqartut ilimasaarsimavaat inatsisiliorfiginiarlugit, tamannalu Iserit A/S-mit marloriarluni oqaaseqarfigineqarnikuuvoq, kingullermik 2009-ip naajatulernerani. Inatsisiliornissap taassuma siunertaraa kommunit Namminersorlutik Oqartussat naligalugit inissianik ingerlatsiffissanik pilersitsinnaalernissaat. Inatsisiliornissap tamatuma piviusunnagortinnissaa assigiinngitsunik peqquteqartunik pingaaruteqartorujussuuvoq:

Inatsisiliornerup taassuma ilaatigut Iserit A/S inissianik ingerlatsinissaanik kiisalu Kommuneqarfik Sermersuup avataani suliassanik taamaattunik ingerlatsinnaalernissaa ilaatigut kommuneni allani, Namminersorlutik Oqartussani, inissiatillit namminersortut (soorlu assersuutigalugu Air Greenland, Royal Greenland allallu) kiisalu piginneqatigiillutik peqatigiillutillu inissiatillit inissiaataannik ingerlatsinissamut periarfississagaluarpaa.

Tamakkua saniatigut Kommuneqarfik Sermersooq inissianut tunngatillugu suliffeqarfiit inissianik sanaartornerinut aningaasaliinissamut periarfissinneqassagaluarpoq, tassa ilaatigut realkredit-imit aningaasanik attartorneq

aqqutigalugu inissialionermit tamakkiisumik ilaannakor-tumilluunniit aningaasaliisinnalissalluni, tamatumalu kingornatigut aningaasat attartukkat inissianik attartor-nermi akiliutit aqqutigalugit taarsorneqarsinnaassal-lutik. Kommunit siunissami inissianik sanaartornermi ani-ngaasaliinikkut akuutinneqassappata periarfissamik taa-maattumik atuisinnaalernissaasa ilaatinneqarnera pi-ngaaruteqarpoq.

Tamatuma pilersikkiartornissaata aallartinneqarnissaa siunertaralugu naalakkersuisut siulittaasuat Kommune-qarfik Sermersuumi allaffigineqareerpoq, tassa tamatu-ma politikikkut saqqummiunneqarnissaa sularineqarnis-saalu sapinngisamik piaartumik aallartinneqarniassam-mat.

1.1. Sulisunut utaqqiisaasumik inissiat

2010-mi Iserit A/S-ip sulisunut utaqqiisaasumik inissiat 60-t ingerlappai, taakkunannga marluk Paamiuniillutik mar-lullu Tasiilamiillutik. Tamakqua saniatigut Iserit A/S-ip kommunip inissiaatai pisatsersoriigaasussat pisatsersorlu-gillu pisataajartarpai.

Ukiup naalernerani Iserit A/S sulisut utaqqiisaasumik inis-siaannut tunngatillugu attartortitsisartunik namminer-sortunik attartornermut isumaqatigiissutinik isumaqati-giinniuteqaqqipput, taamaaliornikkut Kommuneqarfik Sermersooq attartornermut akiliutinik ukiumut 425 t.kr.-inik sipaaruteqarpoq.

1.2. Kommune sinnerlugu inissianik tuniniaasarneq

Suliffeqarfiup kommunip inissiaataanik attartortittakka-nik attartortunut tuniniaasarneq ingerlappaa, kiisalu kommunip inissiat sanaartugassaatai avammut neqeroo-rutigisarlugit.

Inissaaleqinerujussuaq pissutaalluni kommuni juni 2009-mi aalajangerpoq attartortumiit piginnittumut aqqis-suussineq atorlugu tuninaaneq killilersimaarniarlugu, taamaaliornikkut inissiaarsuarni inissiat tuniniarneqarta-runnaarput, tassa inissianik piginnittut peqatigiiffiata inissiaateqarfiani inissiat inissisimasut eqqarsaatiginagit, imaluunniit illuinnaat affarleriilluunniit isatigassat eq-qarsaatiginagit. Taamaattumik 2010-mi "attartortumiit piginnittumut" aqqissuussineq atorlugu inissianik tuni-sisoqanngilaq.

1.3. Inissiat attartortittakkat piginneqatigiittut andelsboliginngortinneri

2010-mi andelsboliginngortitsisoqanngilaq.

1.4. Kommuni sinnerlugu inuutissarsiornermut attartortitsinermik ingerlatsineq

2010-mi Iserit A/S inuutissarsiutigalugu attartortut 10-u-sut attartornermut akiliutaannik akiliisarnerisalu aqun-neqarnerinik taamatullu attartortussarsiuinernik ingerlat-sivoq.

1.5. Ataatsimoortumik errorsisarfinnik ingerlatsineq

2010-mi Iserit A/S-ip kommunip ataatsimoortumik error-sisarfiutai marluk ingerlappai

1.6. Kommunit inissiaataani attartortitakkanik immikkut aserfallatsaaliineq/ aningaasaleeqqinnerlu

Iserit A/S-ip kommunemik isumaqatigiissut tunngavigalu-gu sanaartortitsisumik siunnersuisarpoq kiisalu Pisissiani inissianik 72-inik sanaartornermik nakkutilliilluni. Ukiup naanerani inissiat siulliit 12-t tunniunneqarput nutserfi-gineqareerlutillu. Tullii 24-t 2011-p affaani siullermi tun-niunneqassapput. Sinneruttullu 36-t isumaqatigiinneq malillugu tunniunneqarumaarput.

2010-mi Nuussuarmi, Qaavani, Qullilerfimmilu igaffiit ka-tillugit 22-t taarserneqarput. Attartumi, Tinupattammi Qaarsunnguanilu igalaat 70-t taarserneqarput. Kiisalu Ti-nupattammi Qaarsunnguanilu aammattaq allat aneera-suartarfiup matui taarserneqarput.

Tinupattammi kiisalu Niels Hammekensvejimi nutarteri-nerit/taarsiinerit uffarfinnik pilersaarutit malillugit inger-lapput 15-ini naammassereerlutik, sularlu Tinupattammi nanginneqassalluni.

Atertami Nuniaffimmilu igalaanik nutarterinerit inger-laavartut ingerlanneqarput, tamannalu 2011-imi nangin-neqassaaq. Misissuinerup immikkoortua siulleq tassa init iluisa silaannaanik/oqummillu misissuinerit naammasse-reerput. Suliassat sinneri 2011-imi sularineqassapput, ta-matumalu kingorna nalunaarut ataatsimoortoq sulari-neqassaaq, taannalu tunngavigalugu init silaannaanik pitsanngorsaaneq nanginneqassalluni.

Kapisilinni, Qeqertarsuatsiaani Nuummilu illunik ataa-siakkaanik kittaartumik nutarterineq nutarterinissamut pilersaarut malillugu ingerlanneqarput.

2010-mi Paamiuni Tasiilamilu immikkut ittumik nutarteri-nermik aserfallatsaaliinermillu sulariarneq ingerlanne-qarpoq – tamannalu 2011-imi nanginneqassaaq.

1.7. Kommunit inissiaataasa immikkoortortaasa aningaasaataannik ingerlatsineq

Obligationini inissisimatitsinerup pituttorsimajunnaartin-neqarnerinut atatillugu aningaasat katersorneqarsima-sut kontunut isumaqatigiissutaasunut nuunneqarput, ukiullu naanerani katillugit 56 mio. kr. angungajallugit uninngasuutigineqarput.

Februarimi suliffeqarfiup obligationit Totalkredit 122 C.s 2016 nikerartunik erniallit tunivai, taamanikkullu taak-kua 9,6 mio. kr.-inik naleqarput.

Tamatuma kingorna ukiup ingerlanerani obligationini uninngasuutit 16,9 mio. kr.-iniit 5,7 mio. kr.-inut appartin-

neqarput. Taamatut naliliutinik nikitsinerup kingunerisaanik obligationinik niuvernermi kursetigut appariaateqarnermi annaasaqaataasinnaasut minnerpaaffissaminii-tinneqalerput.

2010-p naalernerani killiffik mellemregningssaldomik taaneqartartoq 65 mio. kr.-iuvoq (2009: 50 mio. kr.)

Immikkoortortaqrarfiit ukiup ingerlanerani Iserit A/S-imik mellemregningini erniaritittagaat diskontup allanngorarnernat sunniteqarfigneqarneq ajorpoq, tassa taanna appasinnerpaaffissaq 1,5% angunikuummagu, ukiorlu tamaat taamaassimalluni.

2. Ukiumut angusat

2010-mi, suliffeqarfiup ukiuni tallimassaa tamakkiisumik ingerlanerani, suliffeqarfik 623 t.kr.-inik sinneqartoorpoq, akileraarusiinissaq sioqullugu (2009-mi 1.503 t.kr.), tamannalu naammaginatutut nalilertariaqarpoq, kiisalu pilersaarutigineqartunit 50%-imik qaffasinnerupput. Ukioq 2011 tassaasussaavoq administrationsbibragimik qaffaanani ukiut arfinilissaa ingerlaannartumik ingerlat-siviususaaq.

Suliffeqarfiup ingerlatsinikkut aningaasartuutaasa anertunersaat tassaapput sulisoqarnermut aningaasartuut-inut tunngassuteqartut.

2010-mi suliffeqarfimmi sulisut taarserarnerat 10%-iuvoq (2009-mi 33%). Suliffeqarfiup sulisut tamakkerlugit Kallaallit-nunaanni pissarsiarisinnaasimavai, taamaattumillu atorfinitsitsinernut atatillugu aningaasartuutit sapinngisamik minnerpaaffissaminiitineqarput. Sulisut aalaakkaanerisa aammattaaq ingerlatsinikkut patajaanneruler-nermik kinguneqarpoq.

Kiisalu 2010-p ingerlanerani sulisut isumasioqatigiinnerat ingerlanneqarpoq, taanna sulisunit tamanit peqataaffigineqarpoq.

Aningaasartuutit allat

2010-mi suliffeqarfimmi aningaasartuutitigut sukanner-sumik ingerlatsisoqarpoq.

Aningaasaatitigut piareersimanissaq

Ukiup naanerani suliffeqarfiup nammineerluni aningaasatai 8,2 mio. kr.-iupput (2009: 7.751 mio. kr.).

Pigisat 75,8 mio. kr.-iupput (2009: 68,3 mio. kr.). Akiitsut piaartumik akiligassat ukiup naanerani katillugit 66,7 mio. kr.-iupput (2009: 59,9 mio. kr.).

Aningaasat tigorianaanaat 9,5 mio. kr.-iupput. Aningaasatigut inissisimaffiit tamakkaa tunngavugalugit suliffeqarfiup aningaasatigut piareersimanera ajunngitsutut nalilertariaqarpoq.

3. Immikkoortortat

Ingerlatsinermi maleruagassat malillugit ingerlatsisoqar-nersoq, kiisalu immikkoortortaqrarfiit aserfallatsaaliinis-samut atugassanik sipaarniartarnissaat qulakkeerneqas-sappat, ingerlatsinikkut ilisimasaqarluarnissaq, akisus-saassuseqarnissaq misilittagaqarnissarlu pisariaqarpoq.

Tamanna naammassissagaanni sulinerit naleqqussartuar-tariaqarput, taamaaliornikkut kommunip sullissinikkut pisariitsumik pitsaasumillu ingerlatsisoqarnissamik kis-saatigisai malinneqassammata.

Iserit A/S-ip kommunip inissiaatai attartortittakkat inger-lappai malitassallu malillugit ingerlatsinikkut suliassat, inatsisit malillugit piginnittumit/ingerlatsisumit suliari-sarlugit.

Inissianik ingerlatsinermi suliassat pingaarnert ilaatigut makuupput:

- Utaqqisut allattorsimaffiinnik ingerlatsineq
- Maleruagassat atuuttut tunngavugalugit inissianik tun-niussisarneq
- Atorfimmut atatillugu inissanik tunisisarneq
- Kommuni sinnerlugu attartornermut isumaqatigiissute-qarnerit
- Dipositum-inik naafferaartumik akilersuinernik nakku-tilliineq
- Attartornermut depositum-inullu akilioraatitsineq
- Teknikikkut ingerlatsineq
- Nakkutilliineq
- Inissianiit nuuttoqaraangat iluarsaassineq
- Pilersaarutaasunik, naafferaartunillu aserfallatsaaliinis-samut nutarterinernillu pilersaarusioneq
- Najugaqartut oqartussaaqataanerat
- Akileeqqusissutinik nassiusuineq
- Attartornermut isumaqatigiissutinik atorunnaarsitsine-rit
- Anisitsinerit
- Attartornermut kiassarnermullu akiliutit allanngussatil-lugit ilisimatitsinerit
- Imermut kiassarnermillu natsorsuutinik suliaqarneq
- Imikkoortortat aningaasatigut pilersaarutaat
- Ineqarnikkut aningaasatigut inissisimaneq, najoqqutas-sanik teknikikkullu nalunaarsuutinik kommuni piuma-saqartillugu naapertuuttumik pilersuinissaq

Ingerlaqatigiiffiup aqutsisuusutut akiligassallit aalajaat-sumik aqutarinissaat qularnaartussaavaa. Akiligassat ka-tillutik ukiup naanera 11,4 mio, kr.-iupput siorna 10,9 mio, kr.-iullutik. Inigisaniit nuunnikut akiligassatigut kin-guartoorutaasa annertunersaat 10,1 mio. kr.-iusut Akile-raatarnermi qullersaqarfik aqutugalugu akilersinniagas-sanngorlugit ingerlatinneqarnikuupput taakkununga ilaatillugit akilersuinissamik isumaqatigiissutit.

Akiligassatigut kinguartoorutit qaffakkiartornerinut ajornartorsitit pingasut tikkuarneqarsinnaasut tassa: 1: Politiit Iserit A/S-imiit attartortut akiligassatigut ki-

nguortoorsimanertik pissutigalugu anisinneqartussat aniseqqullugit qinnuvigineqarlutik piniaasaartarnerat. Politiit anisitsinissaannik utaqqinerni kinguartoorutit qaffariartuinnartarput.

- 2: Akileraartarnermi Qullersaqarfik nalinginnaasumik akiligassatigut kinguartoorutini akiliisitsiniarnermik suliaqarneq ajorpoq, taannalu ilutigalugu akiligassat qaffakkaluttuinnartarput.
- 3: Depositum attartornermi qaammatini pingasuni akiliutit annertoqatigisarpaat inissiamut nuulernermi akiliutigineqartartoq, inigisamit nuunnermi akiligassatigut kinguartoorutiniq matussutigissallugu amerlanerpaatigut amigartarpoq.

Immikkortortani attartortuni akiliisinnaassuseqanngitsut ilimagisani annaasaqarnissamut immikkoortitserertarput.

2010-mi akileeqqusissutit 3010-t nassiunneqarput kiisalu attartornermik atorunnaarsitsineramik allakkat 490-t. Anisitsinerit, Nuummi 2, Paamiuni 8-t, Tasiilami 14-t Ittoq-qortoormiinilu 4-t.

Anisitsinernut atatillugu 26-it inisseqqinneqarput. Ukiup naanerani inisseqqiiffinniipput 8-t.

Iserit A/S Inigisat pillugit naammagittaalliortarfimmiit 2009-mi aalajangiinerit marluk ingerlanneqarsimasut tiguai, tassani attartortut inatsisit tunngavigalugit ajugaa-tinneqarsimallutik.

Taakkua saniatigut 2010-mi suliat marluk Inigisat pillugit naammagittaalliortarfimmut anngunneqarput.

2010-mi Iserit A/S-ip najugaqartunit naammagittaalliutit 341-t suliarai, taakkunannga 222-t tunngavissaqartut 119-illu tunngavissaqanngitsut. Iserit A/S-ip aammattaq ingerlatseqatigiiffiup aalajangiineri pillugit naammagittaalliutit 5 tiguai, taakkunannga 2 tunngavissaqarmata aalajangiineq allanngortinneqarpoq.

Naatsorsuutit naammassereernerisigut pisimasut

Ullormi oqimaaqatigiisitsiviusumiit ulloq manna tikillugu pissutsinik assigiinngitsunik ukiumut nalunaaruteqarnermut sunniuteqartunik pisoqanngilaq.



Naatsorsueriaaseq atorpeqartoq

Iserit A/S-imut ukiumoortumik nalunaarusiaq ukiumoortumik naatsorsuuserinermut inatsimmi naatsorsuuserinermi klasse B-mut tunngatillugu aalajangersakkat naatsorsuuserinermilu klasse C-mut tunngatillugu aalajangersakkat ataasiakkaat naapertorlugit. Ukiumoortumik nalunaarusiaq naatsorsueriaaseq siorna atorpeqartoq malillugu suliarineqarpoq.

Ilanngussinerit uuttuinerillu pillugit nalinginnaasumik oqaatigumasat

Pigisat oqimaaqatigiissitsinermut ilanngunneqartarput, siusinnerusukkut pisimasut malitsigisaannik ilimanarpat siunissami aningaasatigut iluanaarutit ingerlatseqatigiiffimmut iluanaarutaassasut, pigisallu nalinga tutsuiginartumik uuttorneqarsinnaappat.

Pisussaaffiit oqimaaqatigiissitsinermut ilanngunneqartarput, ingerlatseqatigiiffik pisimasup malitsigisaannik inatsitigoortumik imaluunniit pissusiviusut naapertorlugit pisussaaffeqarpat, ilimanarpallu siunissami aningaasagarnikkut iluanaarutit ingerlatseqatigiiffimmit peerneqassasut, pisussaaffiillu nalinga tutsuiginartumik uuttorneqarsinnaappat.

Ilanngussinerimi siullermi pigisat pisussaaffiillu pisaarineranni akiannut uuttorneqartarput. Ilanngussinerup siulliup kingorna uuttuinerit naatsorsuutini immikkoortuni ataasiakkaani ataaniittuni allaaserineqartutut pisarput.

Ilanngussinerimi uuttuinermilu qissiminneqartarput siumut takorloorneqarsinnaasumik nalorninartut annaasaqaataasinnaasullu, ukiumoortumik nalunaarusiap naammassinnginnerani saqqummersinnaasut, ullormilu oqimaaqatigiissitsiffiusumi pissutsinik uppersaasut.

Angusaasunut nalunaarsuiffimmi ilanngunneqarput isertitat - isertinneqarnerat ilutigalugu, aningaasartuutillu ilanngunneqarlutik aningaasat ukiumut naatsorsuutitut attuumassuteqartut nalingattut.

Allamiut aningaasaannik naliliineq

Aningaasanik nuussinerit tamarmik danskit koruunii atorlugit pippat.

Angusaasut nalunaarsornerat

Ilanngaatisat ilanngaatigereerlugit kaajalalukaartitsineq

Sullissinerik tunisinerni ilanngaatisat ilanngaatigereerlugit kaajalalukaartitsineq angusaasut nalunaarsornerannut ilanngunneqartarpoq tunniussisoqarnerani taamaalillunilu nalorninarsinnaasut sullitamut nuukkaagata. Ilanngaatisat ilanngaatigereerlugit kaajalalukaartitsinermut ilaapput sullissinerit tamarmik ingerlatseqatigiiffiup suliaanut pingaarnernut naleqqiullugit pingaaruteqartutut nalilerneqartut, taakkununga ilaallutik illuutinik aqutsineq, teknikkikkut siunnersuineq ikiuinerlu, kommunimut isumaqatigiissuteqarnikkut sullissinerit, sullinneqarnermut akiliutit, illuutinik sullissineq il.il.

Sulisogarnermut aningaasartuutit

Sulisogarnermut aningaasartuutitut ilaapput akissarsiat aamma sulisunik isumaginninnermi aningaasartuutit, ingerlatseqatigiiffiup sulisuisa soraarnerussutisiassaata il.il.

Aningaasalersuinermit inissitat

Aningaasalersuinerimi inissiinernut ilaapput erniatigut isertitat aningaasartuutillu, allamiut aningaasaasa nalinginut naleqqussaanerit, immikkoortortaqaqarfinnut erniat akiliutillu.

Immikkut ittumik inissitat

Immikkut ittumik inissitanut ilaapput isertitat aningaasartuutillu ingerlatseqatigiiffiup nalinginnaasumik ingerlanneqarneraneersuunngitsut, taamaammallu utikattumik pissussatut ilimagineqanngitsut.

Akileraarutit

Ukiumi akileraarutit, tassaasut ukiumi akileraarutiviit, angusaasut nalunaarsornerannut ilanngunneqartarput, ukiumi tassani angusaasunut tunngasuugaangata.

Akileraarutit akilerneqarsinnaasut akileraarutillu kinguartitat akilerarnermut procenti 31,8% aallaavigalugu naatsorsorneqartarput.

Oqimaaqatigiissitsineq

Sanaartukkatigut pigisat tigusaasuungitsut aamma tigussaasut

Sanaartukkatigut pigisanut pissarsiaasunut ilaatinneqarput qarasaasianut programmit, biilit, qarasaasiat aamma illup iluani pigisat, uuttorneqarlutillu pissarsiarinerani akimut nalikilliliinernik akiinillu appartitsinernik naleq-qussakkanik ilanngarlugit.

Pissarsiarinerani akimut ilaapput pisiarinerani aki, aningaasartuutit pissarsiarineranut toqqaannartumik attuumassuteqartut aamma pigisat atulernissaata tungaanut piareersarneranut aningaasartuutit. Aningaasalersuiner-mi aningaasartuutit angusat nalunaarsornerannut ilaatinneqarput.

Nalikilliliinermut tunngaviupput pissarsiarinerani aki, piffissaq pigisat atornissaatut ilimagisaq naappat naleqas-susissaatut ilimagisaasunik ilanngarlugu. Ukiut tamaasa assigiimmik procentinngorlugu nalikilliliisoqartarpoq pigisat qanoq sivistutisumik atornissaatut naliliinerit makku aallaavigalugit.

Pigisat	Atuuf-fissai ukiut	Nalikilliliineq procent
Illup iluani pigisat	5	20
Biilit	5	20
Qarasaasiat atortuulu	3	33,3
Qarasaasianut programmit	3	33,3
Init attartukkat pisatsorsornerat	3	33,3

Biilit nalikillinerpaaffissaatut naatsorsuutigineqarpoq t.kr. 25.

Pigisat pisaarineranni ataasiakkaarlutik t.kr. 25 ataallugit akeqartut angusat takussutissiarineranni pisaarineranni aningaasartuutit ilanngunneqarput. Illup iluani atortut inissiigallarnernut atugassat ukiumi pissarsiarineqarfian-ni erngiinnaq nalikillineqartarput.

Sanaartukkatigut pigisat tigussaasut pisaareqqinneranni akimut akii appartinneqartarput, taanna naatsorsuutitigut nalingannit appasinnerugaangat.

Pisassat

Pisassat uuttorneqartarput pissarsiarineranni akimut ilanngaattissanik ilanngakkamut, taassumalu assingingajup-paa pisassap pappiarakkut nalinga akianik appaanerit - ajunaarutaannginnissaanik qularnaarisut - ilanngaal-lugit.

Piffissamik killiliilluni inissitat

Piffissamik killiliilluni inissitanut pigisanut ilanngussanut ilaapput aningaasartuutaasimasut akilerikkat ukiup naatsorsuiffiusup tullianut tunngassuteqartut. Piffissamik killiliilluni inissitat pissarsiarineranni akimut uuttorneqartarput.

Aningaasat tigorianaanaat

Tassunga ilaapput Iserit A/S-ip kontoa tigusiffigeriaanaq aamma aningaaserivimmi toqqortanut kontoa.

Pappialat naliliit

Pappialanut nalilinnut pigisanut kaajalukaartinneqarsinnaasunut ilaasunut ilaapput obligationit aningaasanik niuerfinni nalunaarsorsimasut ullormi oqimaaqatigiissit-siffiusumi naliminnut uuttorneqartut.

Pisussaaffiit illikartitat

Pisussaaffiit illikartitat ullormi oqimaaqatigissitsiffiusumi pisussaaffiit piviusunngortikkumallugit pisariaqartumik aningaasartuutaasariaqartut ilanngunneqartarput uuttorneqarlutillu. Pisussaaffiit illikartitat akilerneqar-nissaat ullormit oqimaaqatigiissitsiffiusumiit ukioq ataa-seq sinnerlugu pisussatut ilimagineqarpat kingumoortu-mik nalilerlugit uuttorneqartarput.

Piffissamik killiliilluni inissitat

Piffissamik killiliilluni inissitanut pisussaaffinnut ilanngunneqartunut ilaapput isertitat tiguneqartut ukiup naatsorsuiffiup tullianut tunngassuteqartut. Piffissamik killiliilluni inissitat pissarsiarineranni akimut uuttorneqar-tarput.

Piffissami sivikinnerusumi akiitsut

Taakkununga ilaapput pilersuisuusut akiitsui, immik-koortotaqarfinnik akiliussigallarnerit, aningaasartuutit akiitsorineqartut, feeriarnersuutissanut illikartitsinerit, kukkunerisuiusut il.il.

Aningaasat ingerlaarnerisa takussutissiarinerat

Aningaasat ingerlaarnerisa takussutissiarinerat saqqum-miunneqarpoq toqqaannangikkaluamik periuseqarluni, takutinneqarlutik aningaasat ingerlaarneri ingerlatsiner-mut, aningaasaliinermut aningaasalersuinernullu kiisalu ukiup aallartinnerani naaneranilu ingerlatseqatigiiffiup tigoriaannarnik aningaasaataanut tunngasut.

Ingerlatsinermi pigisanut tunngatillugu aningaasat ingerlaarneri naatsorsorneqarput tassaatillugit ingerlat-sinermi angusat aningaasanik tigussaasuunngitsunik, ingerlatsinermi aningaasaatinik aamma ingerlatseqati-giiffittut akileraarutitik aaqquserlugit.

Aningaasat ingerlaarnerinut aningaasaliinermi ingerlas-sanut tunngasunut ilaapput ingerlassanut aamma ani-gaasalersuinermi sanaartukkatigut pigisanut tunngatil-lugu akiliutit, aamma sanaartukkatigut pigisanut tigus-saasunut tigussaasuunngitsunullu tunngatillugu pisine-rit, inerisaanerit, pitsaangorsaanerit, tunisinerit il.il.

Aningaasanut tigoriaannarnut ilaapput aningaasat tigo-riaannat tamarmik aamma aningaaserivimmi toqqorta-tut kontomiittut kiisalu pappialat nalillit piffissami sivi-kinnerusumi pigisat nalimikkut annertuumik nikittus-saangitsut.

Kisitsisit pingaarnerit

Kisitsisit pingaarnerit formelit uku atorlugit naatsorsu-gaapput:

Sinneqartoornerup annertussusia	=	$\frac{\text{Sinneqartoorutit} \times 100}{\text{Ilanngaattissat ilanngaatigereerlugit kaajalukaartitat}}$
Erniortitsisinnaanerup annertussusia	=	$\frac{\text{Sinneqartoorutit} \times 100}{\text{Pigisat katillugit}}$
Akiliisinnaassuseqarneq	=	$\frac{\text{Pigisat kaajalukaartinneqarsinnaasut} \times 100}{\text{Piffissami sivikinnerusumi akiitsut}}$
Patajaassuseq	=	$\frac{\text{Imminerisamik aningaasaatit} \times 100}{\text{Pigisat katillugit}}$



ANGUSAT NALUNAARSORNERAT

1. januar - 31. december

	Nassuiaat	2010 kr.	2009 kr.
Ilanngaatissat ilanngaatigereerlugit kaajalukaartitat	1	13.464.931	12.364.800
Sulisoqarnermut aningaasartuutit	2	9.656.459	8.113.116
Avammut aningaasartuutit allat	3	3.828.060	4.006.017
Nalikilliliinerit	4	831.820	772.556
Ingerlatsinermi angusat		(851.407)	(526.890)
Aningaasalersuinikkut isertitat	5	2.394.997	2.746.235
Aningaasalersuinermi aningaasartuutit	6	920.739	716.686
Nalinginnaasumik ingerlatsinerup inernera		622.851	1.502.659
Immikkut ittumik aningaasartuutit		-	-
Akileraannginnermi angusat		622.851	1.502.659
Immikkut ittumik angusanit akileraarutit	7	198.067	479.107
Ukiumi angusat		424.784	1.023.552
Angusat atornissaannut siunnersuut			
Ukiup tullianut nuutat		424.784	1.023.552
		424.784	1.023.552

31. DECEMBER OQIMAAQATIGIISSITSINEQ

	Nassuiaat	2010 kr.	2009 kr.
PIGISAT			
Qarasaasianut programmit		141.520	0
Sanaartukkatigut pigisat tigussaasut	8	141.520	0
Illup iluani pigisat		241.021	382.980
Biilit		776.995	826.532
Qarasaasiat		38.120	88.248
Init attartukkat pitsanngorsarnerat		437.694	601.014
Sanaartukkatigut pigisat tigussaasut	9	1.493.829	1.898.775
		1.635.349	1.898.775
SANAARTUKKATIGUT PIGISAT			
Tunisinermit sullissinermillu pisassat		0	0
Pisassat allat		179.124	2.493
Kommuneqarfik Sermersuup akiligassai		1.369.117	1.037.043
Pisassat		1.548.241	1.039.536
Pappialat nalillit	10	5.742.777	16.484.016
Aningaaserivimmi toqqortat		55.597.733	40.776.150
Erniat piffissamut killilikkat		1.778.158	352.412
Aningaasaatinik ingerlatsineq katillugit		63.118.668	57.612.578
Aningaaserivimmiittuutit		9.466.653	7.714.687
		74.133.561	66.366.801
PIGISAT KAAJALUKAARTINNEQARSINNAASUT		74.133.561	66.366.801
		75.768.910	68.265.576
PIGISAT		75.768.910	68.265.576
AKIITSUT			
Aktianik pigisat	15	5.000.000	5.000.000
Angusat nuussat, ukuiup siulii		2.751.062	1.727.510
Angusat nuussat, ukioq manna		424.784	1.023.552
Imminerisamik aningaasaatit		8.175.846	7.751.062
Akileraarutit kinguartitat	12	857.116	659.049
Pisussaaffiit illikartitat		857.116	659.049
Pilersuisut akiligassaat		190.158	129.077
Ingerlatseqatigiittut akileraarutit akiitsorineqartut		0	382.999
Akiitsut allat	11	1.020.139	8.765.612
Piffissamik killiliilluni inissitat		435.600	479.784
Akiliussigallarnerit - sullitat	13	65.090.052	50.097.993
Piffissami sivikinnerusumi akiitsut		66.735.949	59.855.466
		66.735.949	59.855.466
AKIITSUTIGUT PISUSSAAFFIIT		66.735.949	59.855.466
AKIITSUT		75.768.910	68.265.576
Pisussaaffiujunnartut nassuiaatillu allat	16-17		

31. DECEMBER ANINGAASAT INGERLAARNERISA NALUNAARSORNERAT

	Nassuiaat	2010 kr.	2009 kr.
Ingerlatsinermi angusaasut		(851.407)	(526.890)
Nalikilliliinerit	4	831.820	772.556
Ingerlatsinermi aningaasaatit allanngornerat	14	5.329.031	5.070.905
		5.309.444	5.316.571
Aningaasalersuinikkut isertitat tigusat		2.394.997	2.746.235
Aningaasalersuinikkut aningaasartuutit akilikkat		(920.739)	(716.686)
Ingerlatseqatigiiffittut akileraarutit akilikkat		(382.999)	(192.612)
Ingerlatsinermut atatillugu aningaasat ingerlaarneri		6.400.703	7.153.508
Sanaartukkatigut pigisanik pisineq		(727.895)	(1.388.543)
Sanaartukkatigut pigisanik tigussaasunik tunisineq		159.500	0
Aningaasaliinermut atatillugu aningaasat ingerlaarneri		(568.395)	(1.388.543)
Pappialanik nalilinnik pisineq		-	-
Pappialanik nalilinnik tunisineq		9.573.069	-
Pappialat nalillit makinneqartut		1.168.171	447.068
Isumaqatigiissuteqarnikkut kontonut ikisat		(14.821.583)	(2.779.109)
Aningaasalersuinermi aningaasat ingerlaarneri		(4.080.343)	(2.332.041)
Aningaasat tigorianaanaat allannguutaat		1.751.965	3.432.924
1. januar tigorianaanaat		7.714.687	4.281.763
31. december tigorianaanaat		9.466.652	7.714.687

NASSUIAATIT

	2010 kr.	2009 kr.
1 Ilanngaatissat ilanngaatigereerlugit kaajalukaartitat		
Immikkoortortaqaarfiit aqutarinerat	8.842.769	8.447.506
Tapiusumik sullissinerit	650	45.610
Sulisut inaanik aqutsineq	216.750	165.000
Inuutissarsiornermi attartukkanik aqutsineq	18.025	20.825
Errorsisarfinnik aqutsineq	80.000	80.000
Inissianik sullissineq	606.109	572.120
Akiliutit assigiinngitsut	1.527.060	1.383.053
Ingerlatsineq alla	1.382.713	1.291.540
Teknikkikkut siunnersuineq ikiorsinerlu	790.856	359.146
Ilanngaatissat ilanngaatigereerlugit kaajalukaartitsineq katillugit	13.464.931	12.364.800
2 Sulisoqarnermut aningaasartuutit		
Siulersuisunut ataatsimiinnermilu aningaasartuutit	235.777	233.250
Akissaatit akissarsiallu	7.543.737	6.804.921
Soraarnerussutisiat	417.364	289.335
Sulisoqarnermut aningaasartuutit allat	1.459.581	785.611
Sulisoqarnermut aningaasartuutit katillugit	9.656.459	8.113.116
Sulisut amerlassusii agguaqatigiissillugit:	24	19
Ingerlatseqatigiiffiup aqutsisuinut kaammattuilluni ingerlassanik aallartitsisoqarnikuunngilaq		
3 Avammut aningaasartuutit allat		
Allaffissornikkut aningaasartuutit	2.240.926	2.238.139
Kukkunersuineq	73.000	78.000
Illuutininik ingerlatsineq	1.253.447	1.420.430
Biilit angallassineralu	260.687	269.448
Avammut aningaasartuutit allat katillugit	3.828.060	4.006.017
4 Nalikilliliinerit		
Qarasaasianut programmit	0	9.248
Illup iluani pisatat	141.959	105.740
Biilit	272.823	231.975
Qarasaasiat	50.129	48.471
Init attartukkat pisatsersornerat	437.695	377.122
Sanaartukkatigut pigisat tuninerini iluanaarutit/ajunaarutit	(70.787)	-
Nalikilliliinerit katillugit	831.820	772.556
5 Aningaasalersuineri isertitat		
Erniatigut isertitat	2.144.123	2.372.568
Pappialat nalillit naliisigut iluanaarutit	80.580	672
Pappialanik nalilinnik iluanaarut pivirusunngortinngisaq	169.502	371.222
Immikkoortortanik akiliussigallarnermi erniat	792	1.773
Aningaasalersuineri isertitat katillugit	2.394.997	2.746.235

NASSUIAATIT

	2010 kr.	2009 kr.	
6 Aningaasalersuinermi aningaasartuutit			
Erniatigut aningaasartuutit	20	-	
Pappialat nalillit annaasat piviusunngortitat	86.934	6.038	
Pappialat nalillit annaasat piviusunngortinneqanngitsut	-	-	
Immikkoortortanik akiliussigallarnermi erniat	833.785	710.648	
Aningaasalersuinermi aningaasartuutit katillugit	920.739	716.686	
7 Ukiumi akileraarutit			
Akileraarutit atuuttut	0	382.999	
Akileraarutit kinguartitat allannguutaat	198.067	96.108	
Ukiumi akileraarutit katillugit	198.067	479.107	
8 Sanaartukkatigut pigisat tigussaasuunngitsut			Qarasaasianut programmit
1. januar 2010 pisaarinerani aki		795.745	
llassutit		141.520	
31. december 2010 pisaarinerani aki		937.265	
1. januar 2010 nalikilliliinerit appaanerillu		795.745	
Nalikilliliinerit		0	
31. december 2010 nalikilliliinerit appaanerillu		795.745	
31. december 2010 naatsorsuutitigut nali		141.520	
Nalikillineqarfissaat		ukiut 3	
9 Sanaartukkatigut pigisat tigussaasut			
	Pisatat	Biilit	Qarasaasiat
1. januar 2010 pisaarinerani aki	709.797	1.550.018	648.337
llassutit	0	312.000	0
llanngaatit	0	(431.000)	0
31. december 2010 pisaarinerani aki	709.797	1.431.018	648.337
1. januar 2010 nalikilliliinerit appaanerillu	326.817	723.486	560.088
Nalikilliliinerit	141.959	272.823	50.129
Atorunnaarneranni utertitat	0	(342.287)	0
1. januar 2010 nalikilliliinerit appaanerillu	468.777	654.023	610.217
31. december 2010 naatsorsuutitigut nali	241.021	776.995	38.120
Nalikillineqarfissaat	ukiut 5	ukiut 5	ukiut 3
	Init attartukkat (pitsanngorsaanerit)		
1. januar 2010 pisaarinerani aki	1.131.365		
llassutit	274.374		
31. december 2010 pisaarinerani aki	1.405.739		
1. januar 2010 nalikilliliinerit appaanerillu	530.350		
Nalikilliliinerit	437.695		
31. december 2010 nalikilliliinerit appaanerillu	968.045		
31. december 2010 naatsorsuutitigut nali	437.694		
Nalikillineqarfissaat	ukiut 3		

NASSUIAATIT

	2010 kr.	2009 kr.
10 Pappialat nalillit		
Pissarsiarineranni aki	15.179.954	16.517.627
Tunisineq	(9.573.069)	0
Nalingisigut annaasat piviusunngortinneqanngitsut	135.891	(33.610)
Pappialat nalillit katillugit	5.742.777	16.484.016
11 Akiitsut allat		
Aningaasartuutit akiitsorineqartut	190.477	8.008.161
Feriepengit illikartitat	748.663	711.451
Kukkunersuisoq	81.000	46.000
Akiitsut allat katillugit	1.020.139	8.765.612
12 Akileraarutit		
Sanaartornermi pigisat	781.281	1.753.678
Obligationit	135.892	(33.610)
Erniat piffissalersukkat	1.778.158	352.412
Naatsorsuinermi tunngavik	2.695.331	2.072.480
Akileraarutit kinguartitat, 31,8%	857.116	659.049
13 Sullissanik akiliussigallarnerit		
Ineqarnermut kiassarnermullu immikkoortortanik akiliussigallarnerit	65.090.052	50.097.993
	65.090.052	50.097.993
14 Aningaasat ingerlaarneri - ingerlatsinermi aningaasaatigut allannguutit		
Pisassani allannguutit	(1.934.452)	1.702.412
Pilersuisuni akiitsunilu allani allannguutit	(7.728.576)	4.719.862
Sullissanik akiliussigallarnermi allannguutit	14.992.059	(1.351.369)
	5.329.031	5.070.905
15 Aktiatigut aningaasaatit		
Aktiatigut aningaasaatit tassaapput aktiat 1.000 kr-ikkaat 5.000-it.		
Aktiat klassikkaarlugit immikkoortitaanngillat		kr.
Ukiuni naatsorsuiffinni kingullerni 5-ni aktiatigut aningaasaatit allannguutaat		
11.04.2005 aktiatigut aningaasaatit		500.000
2006-imi ilassutit, nalilinnik ilassutit		2.000.000
2008-mi ilassut, aktiatigut aningaasaatit ilassutaat		2.500.000
31.12.2010 aktiatigut aningaasaatit		5.000.000
16 Attartornermi pisussaaffik		
Ukiuni 2007-2012 kopimaskiinamik attartornissaq isumaqatigiissutaavoq.		
Ukiumoortumik attartorneq		25.416,00
17 Aktiaatilinnut tunngasut		
Ingerlatseqatigiiffiup aktiatillit uku aktiat nalingisa 5%-ii sinnerlugit taasisinnaatitaasut pigisaqartulluunniit nalunaarsoqqavai:		
Kommuneqarfik Sermersooq, Rådhuset Kuussuaq 2, Postboks 1005, 3900 Nuuk		